

也著糜，也著篁

劇中人:春嬌(甲)、志明(乙)

甲:別人的性命是鞏金佻包銀，阮的性命毋值錢，別人若開喙是金言玉語，阮若是加講話，連鞭就出代誌…。

乙:「歹年冬，厚脍人！」可能是景氣穠，七早八早就有人咧唱哭調仔，聽起來閣真悲哀，我趕緊走來共看覓。

甲:喂!你敢毋是隔壁班的志明仔，恁兜是咧火燒厝，無哪會遮雄狂?

乙:是春嬌仔你這個青仔穠喔!我是聽著叫聲，掠準有人欲吊脰才趕來的!

甲:你毋通看著烏影著開銃!我生做妖嬌閣遮呢仔嬌，欲逐我的人是規大堆，我猶無想欲遐早死咧!ě

乙:無你是「乞食咧唱山歌」-「唱暢的」喔!無代無誌佇遮哭餐，我實在是「土地公看傀儡(ka-lé)」-「愈看愈花」!

甲:話若講透支，目屎是撥袂離!攞是這個月換一個的姓嚴的導師來引起!我愈想是愈厭氣!

乙:稍等咧，咱先共逐家問好才閣講!

合:我是春嬌、我是志明，逐家好!

乙:人講:「氣死著內傷」-「無賠」，看你平常時仔佇學校攞是涼勢仔涼勢，這擺一定是「惡馬惡人騎，胭脂馬去拄著關老爺」!

甲:講著這個導師的底蒂，今年歲頭三十二，大聲雜念全規矩，親像閻王來出世!唉，實在歹鬥陣!。

乙:全款是老師，敢有差遐濟?

甲:無佻濟，一丈差九尺爾爾!想起進前的溫老師，輕聲細說咧教示，逐項代誌講道理，哪知「秀才拄著兵，有理講袂清」，教室變做是菜市!才會臨時來換伊!

乙:有影是軟土深掘!「也欲山珍，也欲海味」-真「歹款」。莫怪好性地的老師攞予恁氣走矣，你今也是「三好加一好」-「死好」!

甲:「別人的困死袂了」、「死道友毋免死貧道」，若是你拄著就知死矣!

乙:人講「倖豬擇灶，倖困不孝」，進前的導師就是人古意、性地好，恁才會「甘蔗規枝齧」-無站節!這聲踢著鐵枋矣 honnh!

甲:講著新來的導師，沓沓滴滴攞規矩，食飯放屎照指示，聯絡簿仔全是字，逐項代誌攞有 sop!若是看著伊，我就想欲走去覷!

乙:恁導師閣真像台北市的『柯P』莫怪伊會姓嚴!人講:「嚴官府出厚賊」,嚴老師嘛會出阿里不達!今也老師有影真歹做!

甲:「仙人拍鼓有時錯,跔步踏差啥人無?」哪有學生袂犯錯?毋通「阿婆袂生,牽拖厝邊」!老師教冊的方法嘛愛改變!

乙:講著管教的撇步,咱的祖先早就有講:「也著麤,也著箐」,兩項要求攏愛通過!

甲:啥物麤恰箐?我聽甲花花花,你趕緊來解釋!

乙:無彩你國校仔讀六冬,毋捌一塊屎桶仔枋!講著「麤」,就是老師肯牽教、無藏步,敢若栽培家己的囡全款,知無?

甲:原來老師愛像「十二月的屎桶」-「盡拼」,我叫是像阮阿公無喙齒,三頓攏愛食泔麤仔配蔭瓜就害矣。

乙:看你無愛讀冊閣愛揀食,較講就一寡五四三的!

甲:阿「箐」是啥碗糕?你閣講看覓!

乙:講著箐,就是較早咧損囡仔的箐仔。學生若是無規矩,老師就會使擻來共教示!

甲:遮我知!阮老爸講伊讀冊的時陣,上驚導師彼招「排骨炒筍絲」,毋過,時代無全矣,學生攏親像「老虎的尻川」-「袂摸得」,我看,今也箐仔干焦賭拍胡繩的功能!

乙:你是「胡蠅戴龍眼殼」-「蓋頭蓋面」,今也的箐仔毋是用來拍的,是指合情合理的管教!就是老師隨時注意咱的表現、定定溝通來轉變、連繫家長來改善,做伙創造教育進步的一片天!

甲:莫怪我這學期,上課時陣較愛啼,作業若是放袂記,老師就叫我去罰倚閣講一堆大道理,原來攏是咧教示!

乙:「規攏好好」-「無錯」,老師特別關心你,你千萬毋通放袂記。

甲:共你講,我昨昏下課走相覷,無細膩摔落去水池,身軀寒甲冷吱吱,佳哉老師來救起。阮老爸講中晝欲請我食一出芳芳芳的好料理!

乙:阿伯一定是欲請你食豬跔麵線通碧驚,足感心的呢!

甲:毋是啦!伊是欲請我讀冊時代,個老師彼出驚人的料理!害囉,伊連鞭就來,我先旋喔!

乙:你真正是「關節炎拄著烏陰天」-「老症頭閣夯起來矣」!

合:志明、春嬌,落台行禮!